

«Բուրդ լուալ»:

«Սովորաբար բուրդը լուանում են տղամարդիկ, առաւելապէս զետում: Մեծ ոչխարինը երկու մաս անելով, իսկ փոքրինը ամբողջովին թրջում են ջրի մէջ, դնում են մի սալաքարի վրայ եւ տփոցով ծեծում, այնքան որ բուրդը սպիտականում է: Տփոցը 70 սանտիմետր երկարութեան եւ մօտ 19 սանտիմետր լայնութեան, եւ 5 ս. հաստութեան մի փայտ է, մի ծայրը, կոթը կըրացրած, որ յարմար լինի բռնելու: Երբ տփելուց բուրդը սպիտականում է՝ ձգում են ջրի մէջ եւ շերտերը բաց անում, որպէսզի լաւ մաքրուի: Այս ձգում են թոկի վրայ եւ կամ փռում քարերի վրայ, որ չորանայ»:

«Այսպէս են լուանում ոչխարի բուրդը, իսկ աթի կեաժը նախապէս ձգում են ջրի մէջ եւ կոխկոտում, հանում ձմրում են ապա տփում: Առնուազն վեց անգամ թրջում, մրղում եւ տփում են: Ամառը կէս, իսկ ձմեռը երկու օրուայ ընթացքում է չորանում, թէ բուրդը եւ թէ կեաժը»:

«Բրբրել»:

«Թէ բուրդը եւ թէ կեաժը լուանալուց եւ չորացնելուց յետոյ ձեռքով քրքրում են: Այս աշխատանքը սովորաբար կատարում են կանայք: Նստում են ծալապատիկ, բուրդը կամ կեաժը դնում են իրենց ձախ կողմը, ձախ ձեռքով բռնում դրա ծայրից, իսկ աջով շարունակ քաշում բուրդը եւ ձգում իրենց առջեւ: Երբ մօտաւորապէս մի կէս Ֆնդաչափ քրքրած են լինում, բոլորը վերցնում են, թեթեւակի ուրրում, $1/2 - 1$ մետրաչափ երկարութեան եւ ապա կծկում՝ իրար վրայ փաթաթում: Այս փաթոյթը կոչւում է քեօլա: Օրական մի կին կամ տղամարդ կարող է մի հոխայից մինչեւ երեք հոխա (3 Ֆունտից 9 Ֆ.) բուրդ քրքրել: Հոխա ու կէսը քրքրում են մի զուրուշի (8 կ.), ուրեմն օրական մի կին այս գործով կարող է վաստակել միմիայն 8-16 կոպէկ»:

«Կզել (Գզել)»:

«Բուրդ կամ կեաժ քրքրելուց յետոյ զգում են սանդերքի վրայ բացառապէս կանայք: Սանդերքը ընկոյզի մի տախտակ է 60 սանտիմետր երկարութեան, 30 սանտիմետր լայնութեան եւ 3 սանտիմետր հաստութեան. սրա ըստ լայնութեան ծայրերից մինը ուղիղ է, միւսը կիսաբոլոր, եւ վերջանում է մի կլոր մասով, որ յատկապէս բռնելու համար է շինուած եւ կոչւում է պսչ: Տախտակի ըստ լայնութեան ուղիղ ծայրի մօտ երկու շարքով խփուած են քառասնական երկաթի ձողեր՝ 20 սանտիմետր բարձրութեան: Սրանք կոչւում են մատեր: Մատները միմեանցից կէս սանտիմետր, իսկ մատերի շարքերը $1, 1/2$ սանտիմետր հեռու են լինում: Մատների ծայրերը սրած են լինում, այնպէս որ կարող են ծակել, ուստի եւ չգործածած միջոցին սրանց շարքերի մէջ անց են կացնում մի ձող, որ երկու կողմում թեւեր ունենալով յանկում է մատների ծայրերի վրայ եւ ծածկում նրանց: